

ქ. თბილისი

16 აპრილი 2013 წ.

(მომსახურების სახელმწიფო შესყიდვა „გამარტივებული შესყიდვის“ საშუალებით)

ვხელმძღვანელობთ რა საქართველოში მოქმედი კანონმდებლობით, ერთის მხრივ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში – შემსყიდველი), წარმომადგენელი მინისტრის პირველი მოადგილის გოგი ფაცაციას სახით და შპს „საქავტოტრანსი“ (შემდგომში – „მიმწოდებელი“), დირექტორი ზურაბ ადამია მეორეს მხრივ (შემდგომში – მხარეები), ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ (შემდგომში – „ხელშეკრულება“) – „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით, რომლებზეც ხელშეკრულებაში არის მინიშნებული;

1.2. შემსყიდველი ორგანიზაცია (შემდგომში „შემსყიდველი“) - ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3. მიმწოდებელი ორგანიზაცია (შემდგომში „მიმწოდებელი“) - ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

1.4. ხელშეკრულების ღირებულება - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული

მუხლი 2. ხელშეკრულების საგანი

2.1. ხელშეკრულების საგანს წარმოადგენს შემსყიდველის მიერ დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტების (შემდგომში - ობიექტი) ადმინისტრაციის მომსახურების სახელმწიფო შესყიდვა, „საქართველოს 2013 წლის სახელმწიფო ბიუჯეტის შესახებ“ საქართველოს კანონის 31-ე მუხლის მე-2 პუნქტის და საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის №43 ბრძანების მოთხოვნების შესაბამისად, „საქართველოს 2013 წლის სახელმწიფო ბიუჯეტის შესახებ“ საქართველოს კანონით გამოყოფილი ასიგნებების ფარგლებში;

2.2. განსახორციელებელი სახელმწიფო შესყიდვის მოცულობას განსაზღვრავს შემსყიდველი, დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში რეგისტრირებული ბენეფიციარების რაოდენობის მიხედვით, ყოველთვიურად, თითოეული კონკრეტული ობიექტის მიხედვით;

2.3. CPV 98341130 - „შენობა-ნაგებობების მომსახურება (დასუფთავების ჩათვლით)“;

2.4. შესყიდვის საშუალებად გამოყენებულია „გამარტივებული შესყიდვა“, რომლის განხორციელების საფუძველია „სახელმწიფო შესყიდვების შესახებ“ საქართველოს კანონის მე-10¹ მუხლის მესამე პუნქტის „ზ“ ქვეპუნქტის მოთხოვნები.

მუხლი 3. ხელშეკრულების ღირებულება

3.1. მომსახურების მიწოდების საერთო სავარაუდო ღირებულება შეადგენს 3216 (სამი ათას ორასთექვსმეტი ლარი) ლარს, საქართველოს კანონმდებლობით დადგენილი შესაბამისი გადასახადების, მოსაკრებლების და მოქმედი კანონმდებლობით განსაზღვრული გადასახადების გათვალისწინებით;

3.2. დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში რეგისტრირებული ბენეფიციარების რიცხოვნობა, 2013 წლის ყოველ კონკრეტულ თვეში ზუსტდება შემსყიდველის მიერ წარმოდგენილი დანართის შესაბამისად, რომელიც ავტომატურად ხდება წინამდებარე ხელშეკრულების განუყოფელი ნაწილი და რომლის თანახმადაც ხდება ანგარიშსწორება შემსყიდველსა და მიმწოდებელს შორის;

3.3. შემსყიდველის მიერ 2013 წლის იანვრის, თებერვლის და მარტის თვეების მონაცემების მიხედვით, ორგანიზებულად განსახლების ობიექტებში რეგისტრირებული დევნილების, ლტოლვილებისა და ჰუმანიტარული სტატუსების მქონე პირების რიცხოვნობა და სახელობითი სიები წარმოდგენილია წინამდებარე ხელშეკრულების დანართებში (დანართი N2 - ფურცელი, დანართი N3 - ფურცელი და დანართი N4 - ფურცელი), რომლებიც

წარმოადგენს წინამდებარე ხელშეკრულების განუყოფელ ნაწილს და ძალაშია მხოლოდ ხელშეკრულებასთან (N2295/31, 16.04.13წ.) ერთად;

3.4. წინამდებარე ხელშეკრულებით გათვალისწინებული გადასახდელი თანხების ოდენობა გამოიანგარიშება ყოველთვიურად, ამ ხელშეკრულების დანართში N1 (დანართი N1 - სამი ფურცელი) მითითებული ტარიფის გადამრავლებით შემსყიდველის მონაცემების საფუძველზე დადგენილ ყოველ კონკრეტულ ობიექტში რეგისტრირებულ დევნილთა, ლტოლვილისა და ჰუმანიტარული სტატუსების მქონე პირთა რიცხოვნობაზე, ხოლო გადახდა - გაწეული მომსახურების თაობაზე შედგენილი მიღება-ჩაბარების აქტის და მოქმედი კანონმდებლობით დადგენილი სხვა შესაბამისი დოკუმენტაციის წარმოდგენის შემდეგ, 20 (ოცი) სამუშაო დღემდე ვადაში;

მუხლი 4. მხარეთა უფლება-მოვალეობანი

4.1. „მიმწოდებელი“ ვალდებულია 2013 წლის 1 იანვრიდან 2013 წლის 31 დეკემბრის ჩათვლით განახორციელოს წინამდებარე ხელშეკრულების მე-2 მუხლით გათვალისწინებული მომსახურებების გაწევა. იგი პასუხისმგებელია გაწეული მომსახურების ხარისხზე და დროულობაზე, პასუხს აგებს და სრულად უნაზღაურებს „შემსყიდველს“ მისთვის მიყენებულ ზარალს;

4.2. „მიმწოდებელი“ პასუხს აგებს მოქმედი კანონმდებლობით გათვალისწინებული გადასახადების, მოსაკრებლების და სხვა გადასახდელების დროულ და უპირობო გადახდაზე;

4.3. მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და შესრულებული იქნება მახალხარისხოვნად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

4.4. „შემსყიდველი“ ვალდებულია მიმწოდებლის მიერ ხელშეკრულებით ნაკისრი და შესრულებული ვალდებულებები აანაზღაუროს სრულად;

4.5. „შემსყიდველი“ არ აგებს პასუხს „მიმწოდებლის“ მიერ მესამე პირის მიმართ ნაკისრ ვალდებულებებზე, მესამე პირისათვის მიყენებულ ზიანზე ან/და ზარალზე.

მუხლი 5. მომსახურების მიღება-ჩაბარების წესი და მიწოდების ადგილი

5.1. მომსახურება მიწოდებულად ჩაითვლება შესაბამისი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული შესაბამისი დოკუმენტაციის წარმოდგენის შემდეგ;

5.2. მომსახურების გაწევის ადგილია წინამდებარე ხელშეკრულების დანართში N1 მითითებული დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტები, .

მუხლი 6. ხელშეკრულების ინსპექტირების პირობები

6.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს საქონლის შესყიდვის მიმდინარეობის შესაბამისობის შემოწმება ხელშეკრულებით გათვალისწინებულ მოთხოვნებთან;

6.2. „შემსყიდველის“ მხრიდან ხელშეკრულებით გათვალისწინებული მოთხოვნების შესაბამისობის ინსპექტირებას და მიღება-ჩაბარების აქტზე ხელის მოწერას განახორციელებს სამინისტროს დევნილთა დეპარტამენტი;

6.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ აცნობებს მიმწოდებელს წუნდების მიზეზების მითითებით, ხოლო გამოვლენილი დაზიანების ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

მუხლი 7. გაწეული მომსახურების ხარისხი და გარანტია

7.1. „მიმწოდებელი“ იძლევა გარანტიას, რომ მის მიერ გაწეული მომსახურება იქნება მაღალხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზების აღმოფხვრა.

მუხლი 8. ანგარიშსწორების ფორმა, გრაფიკი (ვადები) და ადგილი

8.1. ანგარიშსწორება მიმწოდებელთან განხორციელდება ლარებში.

8.2. ანგარიშსწორება მოხდება ყოველთვიურად, საანგარიშსწორებო პერიოდში სამინისტროში რეგისტრირებულ დევნილთა რიცხოვნობის შესაბამისად.

8.3. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

8.4. ანგარიშსწორება განხორციელდება “2013 წლის საქართველოს სახელმწიფო ბიუჯეტის შესახებ” საქართველოს კანონის 31-ე მუხლის მე-2 პუნქტით გათვალისწინებულ ასიგნებათა ფარგლებში, სამინისტროს მონაცემთა ბაზაში არსებული დევნილთა რაოდენობის შესაბამისად 2013 წლის 1 იანვრიდან.

8.5. მომსახურების მიწოდების ანაზღაურება განხორციელდება ეტაპობრივად, მომსახურების მიწოდების შემდეგ შედგენილი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული შესაბამისი დოკუმენტაციის წარმოდგენის შემდეგ, 20 სამუშაო დღის ვადაში;

8.6. ანაზღაურების ადგილია ქალაქი თბილისი.

მუხლი 9. ფასები

9.1. წინამდებარე ხელშეკრულების მე-3 მუხლში დაფიქსირებული მომსახურების ფასი წარმოადგენს ხელშეკრულების ღირებულებით პარამეტრს და მისი ცვლილება შესაძლებელია მხოლოდ საქართველოში მოქმედ კანონმდებლობაში განხორციელებული შესაბამისი ცვლილებების შედეგად.

უხლი 10. ხელშეკრულებაში ცვლილებების შეტანა

10.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები;

10.2. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ერთი თვით ადრე წერილობით შეატყობინოს მეორე მხარეს შესაბამისი ინფორმაცია. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულება იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა;

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმების) სახით, რომელიც ჩაითვლება ხელშეკრულების განუყოფელ ნაწილად.

მუხლი 11. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 12. ფორს-მაჟორი

წინამდებარე ხელშეკრულების პირობების მოქმედების შეჩერება ფორს-მაჟორული გარემოებების (საქართველოში მოქმედი კანონმდებლობის შესაბამისად) დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

მუხლი 13. მხარეთა პასუხისმგებლობა ხელშეკრულების პირობების დარღვევისათვის

13.1. წინამდებარე ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისთვის მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

13.2. ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს დაეკისრება პირგასამტეხლოს გადახდა, ხელშეკრულების საერთო ღირებულების 20 %-ის ოდენობით.

მუხლი 14. ხელშეკრულებიდან გასვლა

14.1. ხელშეკრულება შეწყვეტილად ჩაითვლება “იძულებით გადაადგილებულ პირთა – დევნილთა შესახებ” საქართველოს კანონის მე-5 მუხლის მე-4 პუნქტის “ზ”, “ვ” და “გ” ქვეპუნქტებით გათვალისწინებულ, კომპაქტური განსახლების ობიექტებიდან დევნილთა გამოსახლების შემთხვევაში.

14.2. ხელშეკრულება შეწყვეტილად ჩაითვლება “იძულებით გადაადგილებულ პირთა – დევნილთა შესახებ” საქართველოს კანონის მე-5 მუხლის მე-4 პუნქტის “ა” ქვეპუნქტით გათვალისწინებულ, კომპაქტური განსახლების ობიექტებიდან დევნილთა გამოსახლების შემთხვევაში დევნილთან შესაბამისი წერილობითი შეთანხმების დადებისთანავე.

14.3. “მიმწოდებელი” ვალდებულია “14.1.” პუნქტით გათვალისწინებული გარემოებების მოსალოდნელი დადგომის შესახებ აცნობოს “შემსყიდველს” არაუგვიანეს ორი კვირით ადრე.

მუხლი 15. დავების გადაწყვეტის წესი

ხელშეკრულების დამდები მხარეები თანხმდებიან მასზედ, რომ პირდაპირი არაოფიციალური მოლაპარაკებების მეშვეობით მოაგვარებენ მათ შორის წარმოქმნილ ნებისმიერ უთანხმოებას და დავას, ხოლო შეუთანხმებლობის შემთხვევაში მიმართავენ სასამართლოს, საქართველოში მოქმედი კანონმდებლობის შესაბამისად.

მუხლი 16. მომსახურების გაწევის პერიოდი

მომსახურება ხორციელდება 2013 წლის 1 იანვრიდან „საქართველოს 2013 წლის სახელმწიფო ბიუჯეტის შესახებ” საქართველოს კანონით განსაზღვრული მოთხოვნების სრულად შესრულებამდე, ანუ 2013 წლი 31 დეკემბრის ჩათვლით.

მუხლი 17. ხელშეკრულების მოქმედების ვადა

ხელშეკრულება ძალაშია მისი ხელმოწერიდან და მოქმედებს 2013 წლის 31 დეკემბრის ჩათვლით.

მუხლი 18. სხვა პირობები

18.1. მიმწოდებელი ვალდებულია:

18.1.1. ყოველდღიურად გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად. იგი პასუხისმგებელია გაწეული მომსახურების ხარისხსა და დროულობაზე.

18.1.2. გააცნოს მის კუთვნილ ობიექტში ორგანიზებულად ჩასახლებულ დევნილებს, ლტოლვილებსა თუ ჰუმანიტარული სტატუსების მქონე პირებს წინამდებარე ხელშეკრულების პირობები;

18.1.3. წარმოადგინოს დოკუმენტაცია სახელმწიფო შესყიდვის ხელშეკრულების გასაფორმებლად, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის N43 ბრძანების მოთხოვნების შესაბამისად;

18.2. მიმწოდებელი ადასტურებს, რომ ხელშეკრულების გაფორმების მომენტისათვის მის მიმართ არ მიმდინარეობს რეორგანიზაცია, ლიკვიდაცია ან/და გაკოტრების საქმე.

18.3. მიმწოდებელი ვალდებულია 1 თვით ადრე წერილობით აცნობოს შემსყიდველს, მისი მოსალოდნელი რეორგანიზაციის ან ლიკვიდაციის შესახებ, აგრეთვე, დაუყოვნებლივ მიაწოდოს ინფორმაცია მის მიმართ მოსალოდნელი გავრცელების საქმის დაწყების თაობაზე.

18.4. წინამდებარე ხელშეკრულებით მიღებული თანხის კანონიერ ხარჯვაზე, აგრეთვე, "18.2", "18.3." და "14.1" პუნქტებით განსაზღვრული ინფორმაციების დროულ მიუწოდებლობაზე მთელი პასუხისმგებლობა ეკისრება "მიმწოდებელს".

18.5. "საქართველოს 2013 წლის სახელმწიფო ბიუჯეტის შესახებ" საქართველოს კანონის 31-ე მუხლის მე-2 პუნქტის და საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის №43 ბრძანების ნაბეჭდი ტექსტები წარმოადგენს წინამდებარე ხელშეკრულების დანართს N1 (დანართი N1 სამი ფურცელი) და არის მისი განუყოფელი ნაწილი.

18.6. ხელშეკრულება შედგენილია ქართულ ენაზე 3 ეგზემპლარად და სამივეს აქვს თანაბარი იურიდიული ძალა.

მუხლი 19. მხარეთა იურიდიული მისამართები და რეკვიზიტები

შემსყიდველი:

საქართველოს ოკუპირებული ტერიტორიებიდან
იძულებით გადაადგილებულ პირთა, განსახლებისა და
ლტოლვილთა სამინისტრო
ს. კოდი 200037646
მის: ქ. თბილისი თამარაშვილის 15ა
ტელ: 2 31 15 80
სახელმწიფო ხაზინა
ბ. კოდი 220101222
ა/ა 200122900

მინისტრის პირველი მოადგილე
გოგი ფაცაცია



მიმწოდებელი:

შპს „საქავტოტრანსი“

ს/კოდი: #211345089

მის: ქ.თბილისი, ჟორესის ქ.#7ა,
ქ.ზუგდიდი, სოფელი რუხი

ტელ: (574) 40 18 58

ბანკის დას: სს „პროგრესიტი ბანკი

ბანკის კოდი: MIBGG22

ა/ა: GE73PC0313600100003592

დირექტორი
ზურაბ ადამია



Handwritten signature of Zuraab Adamia

ხელშეკრულების (№2295/31, 16.04.13წ) დანართი

N	დევნილთა კომპაქტურად განსახლების ობიექტის დასახელება და მისამართი	დევნილთა კომპაქტურად განსახლების ობიექტებში მომსახურების გაწევის სახე	საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის N43 ბრძანებით დამტკიცებული ტარიფი	დევნილთა კომპაქტურად განსახლების ობიექტში მცხოვრები დევნილთა რაოდენობა
1	შპს „საქავტოტრანსი“	CPV 98341130 შენობა-ნაგებობების მომსახურება (დასუფთავების ჩათვლით)	2 ლარი	134
2				
3				
4				
5				
6				
7				

შემსყიდველი:

მიმწოდებელი:

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო მინისტრის პირველი მოადგილე გოგი ფაცაცია 	შპს „საქავტოტრანსი“ დირექტორი ზურაბ ადამი 
---	---

გ. ფაცაცია